

天津府志卷之十八

祥異志

舊志之載災祥其例始於漢之五行傳而五行傳又因洪範庶徵而衍之然據志所載明末天津遊擊趙家場刀鎗出火此與漢書西域傳姑句矛端生火其應相似天人氣數其理甚微而感召之由不可以不慎至人不矜祥符而遇災而懼則時恒之若正上天陰隲所見端若謂天變不足異則周禮保章之察太史之占豈遂可廢但志乘不載未敢妄增以示慎焉志祥異

天津府志

卷之十八 祥異

一

天津縣

明

萬曆十七年十一月初二日辰時四虹并出二環日二背日天暗晦踰刻乃霽 十八年春旱秋大水北河堤決 十九年夏蝗飛蔽天聲如雷雨食苗殆盡屯糧折徵 二十年春夏大旱六月霽雨至秋不止南北河堤多決平地成川 三十二年六月霽雨兩月衝決教場堤岸湮城磚二十四層人民饑死無筭

崇禎十二年秋蝗蟲蔽天食禾殆盡 十三年春大

荒 十四年三月初二日天津遊擊張國安巡河
至趙家場刀鎗出火星灼灼有光黑夜列戟如星
四月天津地震 十七年人染異病十喪八九相
探問輒病死稱探頭病親隣不敢相弔

國朝

順治十年十一年大小決河岸湮城磚十七層桑田
行舟

康熙七年大水衝決口岸湮城磚十六層水舟裝載
往來六月十七日戌時地震十八日又震 八年
大有年斗米價值十數文如是者數載

以上天津衛志

天津府志

卷之十八 祥異

二

青縣

漢

鴻嘉四年秋清河溢

河間府志

唐

開成四年七月滹沱河溢害稼

宋

乾德四年乾寧軍卒王進妻一產三男

皇祐元年二月甲戌河北黃御二河決并注於乾寧
軍

淳化元年七月乾寧軍蝗 四年乾寧軍漁人得小

鐘二於河

熙寧元年清州地震 四年乾寧軍禾二莖合穗

大觀二年八月乾寧軍河清

按河間府志作大觀元年八月乾寧軍河清未詳孰是

八年清州蝗

元

皇慶元年九月進佳禾異畝同穎有一穗數莖者命

集賢學士趙孟頫繪圖藏諸秘府 以上清縣志

泰定元年清滄等州旱免租 河間府志

天津府志

卷之十八 詳異

三

至順元年丁酉滹沱河決沒清州田數萬頃 青縣志

大德九年清滄莫獻四州霖殺桑二百餘萬本壞蠶

萬餘箔

至元元年滄清永平柳林屯田被水其逋租及貧民

貸食者勿征 以上河間府志

明

嘉靖八年自正月不雨至六月方雨八月隕霜大無

麥禾餓死者甚衆 十四年河決 二十五年大

雨害稼 三十四年河決磚河鎮白楊橋 三十

六年六月三日雨至二十三日止河水漫堤害稼

四十年蝗

崇禎元年河決蓮花池害稼 三年四年俱河決害稼

萬歷三年河決窪厰害稼 四年河決許家營害稼

九年大旱 十一年蝗 十七年蝗 十九年

蝗 二十三年八月隕霜地凍一寸 二十五年

河決温家灘害稼 三十三年三十四年並蝗

三十七年大水害稼 以上青縣志

崇禎十二年兵變鄉縣士民死亡大半 十三年旱

蝗斗米值銀二兩人相食十四年自春不雨至秋

天津府志

卷之十八 祥異

四

七月初二日始雨 河間府志

國朝

順治五年河決藥王廟口 七年又決 九年盤古

口張申等口河決 十年又決 十二年堤下口

決 十三年蝗食麥

康熙四年地震大雨經旬官署民舍俱倒 六年白

楊樹口及新莊口決 七年白楊樹口又決 九

年大水 以上青縣志

靜海縣

明

嘉靖三十九年四十年連歲大饑人相食詔發帑銀若干於畿輔地方賑之

隆慶四年大水知府丁誠申請撫按發穀賑之

萬歷十四年飛沙迷天遇物有火拔木傷禾人心駭

異二十四年饑撫按題請發德州倉米數萬石

分賑

天啓五年蝗飛蔽天蝻積地盈尺

崇禎十三年夏秋飛蝗蔽天禾苗枯槁民饑死十之

八九

國朝

天津府志

卷之十八

祥異

五

順治十年大水淹沒田禾漂壞屋宇十一年秋水

漲溢禾稼淹

康熙七年春夏亢旱未獲播種至秋又漲秋禾歉收

以上靜海縣志

乾隆二年正月邱家莊民姜冲貴妻一產三男奉

旨恩給米布銀十兩

滄州

漢

鴻嘉四年秋渤海郡清河溢六年夏四月渤海大

風拔樹三萬餘株六月又大風雨雹

河間府志

元初元年四月客星大如瓜青白在南斗第三星東
三年五月丙寅太白入畢口 六年渤海大風

拔樹三萬餘株 滄州志

永康元年六州大水渤海溢州郡溺死者無筭 河間志

晉

太安二年庚午天中裂有聲如雷者三 滄州志

北齊

天保元年夏詔河南定冀趙瀛滄膠光南清九州往

因蝨水頗傷時稼遣使分途調恤 河間府志

河清二年滄州及長城下生黑白毛四五寸不等

天津府志

卷之十八 祥異

六

唐

貞觀十八年滄州白龍見鹽州合歡蓮子黃瓜生

顯慶二年滄州大雹中人有死者 以上滄州志

景隆二年正月滄州雨雹如鷄卵二月癸未有星墜

西南聲如雷

元和八年滄州水潦浸鹽山等四縣 十五年滄州

等大水

太和二年河決壞棣州城

開成二年六月滄州蝗 三年河北等處蝗草木葉

皆盡 四年夏旱滄景青淄大水流星出羽林長

八十餘丈滅有聲如雷 五年夏滄州等州二十
七處螟蝗害稼 八年滄景淄青大雨水害稼及
民廬舍

景福中滄州城塹中水有紋如畫樹幹花葉悉具
五代周

恭帝時滄瀛等州大水千里無煙火

宋

淳化元年滄州等州旱七月乾寧軍蝗 三年夏蝗

抱草自死

以上河間府志

景德二年嘉禾生

滄州志

天津府志

卷之十八

祥異

七

熙寧元年河決瀛州

河間府志

二年滄州地震涌出泥沙

船板核桃螺蚌之屬有一日十數震者有踰半年

不止者 九年滄州清池莫州地震

元豐八年滄州禾合穗或異畝同穎

政和七年河決滄州城不沒者三板民死者百萬以上

滄州志

咸平二年滄州嘉禾生 五年二月雄霸瀛莫深滄

乾寧諸軍州水壞民田

金

貞祐四年滄州等處大饑斗粟銀十餘兩

元

中統二十六年滄州旱

至元元年濱棣河間諸路大水莫州滄州等處饑賜

鈔三萬五千錠 六年獻莫清滄四州大水 十

九年大都燕南燕北河間山東河南六十餘處皆

蝗食苗稼草木俱盡所至蔽日人馬不能行坑塹

皆盈饑民捕蝗以食或曝乾而積之又盡則人相

食 二十六年滄州等處霖雨害稼 滄州樂陵

旱免田租若干萬石

元貞九年三月清滄鄭獻四州霖殺桑二百四十一

天津府志

卷之十八

祥異

八

萬七千餘本壞蠶一萬二千七百餘箔

至大二年滄州河間十八州縣蝗傷稼命有司賑之

天歷二年三月滄州南皮鹽山武城等縣蟲食樹葉

如柞木蠶不成繭

以上河間府志

明

成化二十三年大水西來徑過清滄二河入海傷禾

稼民舍無數

滄州志

正德八年兵火後大疫人死無數 十四年季夏朔

夜一星明如日是年大疫

河間府志

嘉靖七年四月四日五鼓有氣如火光龍形自空至

地直立于西經數刻方散 八年河決朱家墳
二十三年無麥禾民疫死人相食
萬歷十二年蝗 十三年十四年旱 十六年秋雨
連綿滄州禾稼熟者芽發粒壞
崇禎十三年蝗人相食死亡略盡 十四年歲大稔
五穀不種而生

國朝

順治四年至六年大水七年旱

康熙元年河決獅子城東西石樑俱壞四年災 六
年大雨水陸地行舟房屋傾圮大半漂沒田禾無

天津府志

卷之十八

祥異

九

笑 七年六月十八日戌時地震 十年大有年

十四年霖雨害稼 十五年十六年十七年旱

蝗 十八年年前三冬無雪自春徂秋大旱不雨

蝗蝻遍地民多逃亡 十九年春夏不雨饑 十

八年七月二十八日巳時地震有聲如雷震倒學

宮官廨及民房甚多至午乃止

以上滄州志

南皮縣

漢

鴻嘉四年河溢

永康元年大水溺死者衆

熹平二年饑賑恤之

魏

延康元年四月丁巳饒安西白雉見事聞賜復田租

給百姓牛酒大脯三日

以上南皮縣志

北齊

天保元年賑饑

河間府志

唐

貞觀十八年白龍見於境內

永貞元年旱

開成二年蝗

天津府志

卷之十八 雜異

十

宋

淳化元年旱

熙寧二年地震有聲如雷

金

貞祐二年饑斗米價十餘金

元

大德八年蝗

延祐三年御河決多壞廬田

以上南皮縣志

泰定九年始開狼兒口洩水

濬川碑記詳藝文

天歷二年三月蟲食草木蠶不繭

明

嘉靖三年蝗 二十一年大饑 二十七年夏五月

雨雹 三 二年河決傷禾稼 四十五年夏五

月雨雹

萬歷二年產瑞麥同莖異歧 時知縣龐沱蒞政憲副寧津王良貴為序美之

十八年夏大風晝晦拔樹發屋 二十七年蟲災

大饑 三十五年河決知縣左之禎以下流壅塞

親往疏之 三十六年蝗 三十八年河復決

三十九年五月雨雹大者如拳所傷甚眾麥禾盡

壞事聞賑恤之 四十二年大饑 四十四年旱

天津府志

卷之十八

祥異

十一

至七月乃雨 四十五年有秋

天啓三年地震 五年蝗

崇禎元年七月雨雹 十四年大饑人相食 十六

年春二月城內產異豕一首兩身 以上南皮縣志

鹽山縣

唐

開元二年七月蝗

貞元中鹽州合歡黃瓜生

元和八年滄海水潦侵鹽山等四縣

開成元年蝗旱草葉皆盡 五年夏螟蝗害稼

宋

熙寧元年清池地震

元祐六年嘉禾見

按饒安鹽州清池俱鹽山省入舊名詳地輿志

元

至正十九年夜半有赤氣亘天地自西北至東北

二十六年霖雨害稼 二十九年春旱且霜夏復

霖澇居民啖藜藿木葉

元貞二年八月雨雹

大德七年大水

天津府志

卷之十八

祥異

三

至大三年七月蝗

皇慶元年六月旱

延祐三年二月饑

明

成化八年大水 十年有年 二十三年大水西來

傷禾稼民舍無筭

治五年夏旱 十年秋七月夜無雲而雷 十四

年春正月朔大雨雪 十六年八月大雨雹隕霜

殺禾

正德十二年秋七月大水

嘉靖元年至五年俱大水 七年夏蝗 八年春正月
月至夏六月旱秋八月隕霜殺禾 九年夏四月
蝗不爲災 十年大有年 二十年秋隕霜殺禾
二十一年大饑 二十九年大旱饑 三十二
年大有 三十四年秋大水 三十五年蝗不爲
災 三十六年三十七年並大有年 四十年大
饑

隆慶三年有年 五年麥有年 六年麥大有年
萬曆九年彗星見 十三年大旱飛蝗蔽空特加賑
恤蠲夏麥之半 十四年旱 十五年地震 十

天津府志

卷之十八 祥異

三

六年秋霪雨六十日平地水盈一二尺廬舍禾稼
湮沒無筭 二十年饑 四十三年大旱 四十
四年大饑人民相食餓殍載道

天啓元年十二月大風晝晦 二年七月初七日大
雨至初九日止官舍民廬傾覆殆盡城內外水浸
禾稼全沒

崇禎七年正月遍天五色氣如環大小不一踰時方
滅 九年大水禾稼皆沒桃李秋花結實 十一
年蝗 十二年正月兵變城野人民死亡無筭
蝗蝻遍野食稼殆盡 十三年三月十六日微雨

歷夏秋不雨禾苗盡枯飛蝗遍野斗米銀四金木
皮草根剝掘俱盡人民相食 十五年三月兵變
十六年清明後大雪

國朝

順治四年旱蝗復大水五月六月霪雨累旬禾稼全
沒 九年大水 十年大水禾稼全沒 十三年
飛蝗蔽天累日不害稼 十五年正月初二日地
震二十四日又震 十六年三月初一日大雪盈
三四尺

康熙三年春旱秋蝗遍野十月彗星見 四年春夏

天津府志

卷之十八

祥異

四

早 六年秋澇 七年六月十七日戌時地震十
八日又震 八年麥豐登秋大熟 九年自夏至
秋不雨禾稼立槁 十年大有冬大雪 十一年
秋旱蝗不爲災 十二年春前無雪大旱多風麥
槁 十三年有年 十四年大有年 十五年秋
杏花重開 十六年大有年 十七年大有秋蝗
不爲災 十八年七月二十八日巳時地大震有
聲如雷二十九日夜半又震初三日又震九月二
十三日大雨雹雷電交作移時方止 十九年春
夏旱饑

乾隆二年趙家莊民張存良妻趙氏一產三男以上

縣志

慶雲縣

唐

元和八年滄州水潦浸無棣等四縣

開成元年蝗食草木葉皆盡 五年夏蝗蝻害稼

五代周

顯德元年河決東北破伯禹古堤浸注齊棣間遣李

穀按察堤穴役徒六萬三十日而畢

宋

天津府志

卷之十八

祥異

五

乾興元年鹽山無棣二縣海潮溢壞公私廬舍溺死

者甚衆

元

至元元年濱棣大水 十五年夏四月無棣縣獲白

雉以獻 二十九年河間無棣縣蟲食桑葉 二

十八年霪雨害稼八月河決濱棣民居漂沒

至大三年七月無棣縣蝗大饑

至治二年五月無棣大雨五十日害稼

明

洪武二十四年河決簡河害禾稼

以上慶雲縣志

成化十六年饑夏不雨麥盡稿秋霖潦傷禾
年黑書爲厲民間閉戶擊金鼓夜不敢寢有物恍
惚隱黑霧中近人多被傷秋大雨乃息是年河間

慶雲諸邑饑

河間府志

嘉靖二十年秋七月終隕霜殺禾 四十年大旱

四十三年蝗民饑流移十之三

慶雲縣志

隆慶元年正月元日大風雷震望日雷再大震 二

年正月火災焚民舍前後六十餘間 五年秋澇

慶雲縣饑

河間府志

六年西村有婦產蛇並一女

萬歷六年楊氏書舍產芝三本各九莖光彩射人

天津府志

卷之十八

祥異

去

三十二年段保長家產驢人言逾時死 四十三

年大旱人相食羣聚爲盜

天啓二年海溢

崇禎十三年自春至秋不雨無稼 十四年大饑人

相食五月雨雹無麥人多疫死 十五年兵變城

未破 十六年六月守城刀鎗有火光是歲七月

有赤氣圓十數圍離地尺許自城西南流入東北

冬除荒地一千七百七十六頃九十五畝死絕逃

亡丁一千八百五十四丁半 十七年三月十九

日逆賊李自成陷京師二十八日僞縣令馮任入

縣下學是日無風大成殿前老槐折損一枝大
圍長丈餘

國朝

順治三年春旱 五年六月霪雨累旬禾稼全沒

七年秋荆隆口決浸入簡河溢出陸地行舟 九

年四月雨雹傷麥 十年秋黃河再決水溢

康熙三年四月二十三日隕霜是月不雨至秋八月

無稼冬無雪 四年無麥春夏旱 六年六月十

七日戌時地大震屋瓦皆鳴樓臺多裂 八年九

月雷電 九年春旱 十一年秋旱飛蝗蔽空盤

天津府志

卷之十八 祥異

七

旋九十餘日 十二年三月十二日夜異風樹葉

枯是年春旱自去冬無雪兩麥盡枯 十四年二

月十三日天鼓鳴如霆 十八年七月二十八日

地大震

以上慶雲縣志